

LARRY RICHMAN  
5111 Mountain View Drive  
BOISE, IDAHO 83704

RI RU-BANIQUIL RICHIN  
YE-TIJOX RI E AJ PA JAY

© 1976 Corporation of the President of  
The Church of Jesus Christ of Latter-day Saints

All rights reserved  
Printed in the United States of America

## RI PIXABANIC

Re pixabanic re' xcatqui-to' richin utz ye'a-cusaj ri c'utic. Queri' ri ye-tijox av-oma jebel xtiqu-etamaj ri kitzij.

1. Ri a-samaj ja chi ye'a-tijoj ri familia junan r-iq'uin ri nu-bij ri Lok'olej Uxlabixel chave. "Man yix-tak ta richin yix-tijox, xa richin ni-c'ut chiquivech ri c-alc'ual ri achi'a' ri nu-yo'on can pan i-k'a' roma ri r-uchuk'a' ri nu-espíritu Yin." (D. y C. 43:15)
2. Ri Ajaf k'alaj xu-bij chi ri ni-tijon y chuka' ri ni-tijox c'o chi niqui-c'ul ru-sakil nojibal ri Lok'olej Uxlabixel (D. y C. 50:17-22) Que'a-to' na c'rí ye-tijox av-oma richin niqui-etamaj ru-na'oj ri Lok'olej Uxlabixel. Tok na-chop ru-banic ri jun c'utic ta-bij quere: "K-ach'alal Xicay, ri ch'abel ri ka-c'amón pe chave can r-ichin vi ri Ajaf. Tok nav-ac'ajax juba' vacami, ri Espíritu Santo xtu-bij pan av-ámina chi r-ichin ri Jesus re re'. Xta-na' jun jebel uxlanibel c'u'x y r-iq'uin juba' mek'en xtu-na' ru-c'u'x ri av-ámina. Can ja vi re' ri Lok'olej Espíritu tok Rija' n-ajin cha-pixabasic." Chupan ri mej tok nu-na' ri k-ach'alal ri sakil nojibal r-ichin ri Lok'olej Uxlabixel ta-bij chire: "K-ach'alal Xicay, ri av-ámina nu-na' jebel roma vacami yan ri Lok'olej Espíritu ru-chapon ru-bixinchave chi can kitzij vi re tijonic re'. Chupan re momento re', rat na-chop ri r-etamaxic ri kitzij tijonic r-ichin ri Ajaf.
3. Nabey, tav-etamaj chinojel tzij chupan ri c'utic y ri qui-c'ojlen achi'el e c'o tz'ibatel can wave'. Juba' chirij, c'o c'a modo chuka' na-cusaj ri a-tzij rat pu ta-bana' cuenta richin man na-jel ta ru-na'oj ri tijonic.
4. Ti-c'oe' can utz av-iq'uin ru-chojmilal ri c'utic. Que'a-tijoj ri familia. Man xaxe ta ta-bij chique ri achique c'o tz'ibatel chuvech re vuj re'. Que'a-to' richin utz nu-na' ri c-ámina chirij ri na-c'ut chiquivech. Ta-bana' qui-c'ojlen ri preguntas tok c'o ca'i qui-c'u'x. Pu man ta-sech ru-chojmilal ri c'utic c-oma ri preguntas pa qui-vi' ri ch'aka chic tijonic.
5. Ta-tija' a-k'ij richin ye'a-k'ejela' rat o yequi-k'ejela' ri e aj-k'ataj pu man que-k'ax ca'i k'ij man r-iq'uin ta jun i-k'ejelanic chique.
6. C'o bey re' tok ri ye-tijox man niqui-bij ta chave ri kitzij achique roma ye-cacot y achique roma man utz ta nic-ac'axaj ri na-tzijoj chique. Ta-nic'oj ri kitzij achique roma ye-cacot y ta-chojmirisaj ri kitzij qui-preguntas. Ta-nabey ri kitzij nu-nimaj ri c-ámina y man xaxe ta ri can niqui-bij chave.
7. Man ta-ben ri oyoval richin tzijonic r-iq'uin ri familia. Ni-rayix chi rije' niqui-bij ri nu-na' ri c-ámina pu vi niqui-chop ch'a'oj man cat-oyover. Ca-tane' y t-oka' chac'u'x chi ri Ajaf yalan yer-ajo' rije' y man nr-ajo' ta ri oyoval r-ichin tzijonic (3 Nefi 11:29) Vi na-takej jebel a-na'oj y ya-ch'uch'ujir, jun k'ij chic ri familia jebel xtic-ac'axaj ri ch'abel r-ichin ri iglesia.
8. Ri xta-bij chique ri familia tz'ibatel can chuvech ri r-ajquik'a' ru-vech vuj. Pa r-ajxocon ru-vech vuj ye-ilitej ch'aka preguntas y pixabanic. C'o modo ye'a-cusaj chuka' richin mas k'alaj ye'a-tijoj ri familia.

9. Tok na-chop ru-banic jun c'utic, ta-camuluj ri xa-c'ut chiquivech jun bey can. C'o modo na-cusaj ri preguntas r-ichin ri c'utic banon can. Chuka' ru-c'amón chi na- camuluj juba' ri achique ru-sujun can rija' chi xtu-ben.
10. Tok ni-q'uis ri c'utic, ta-ya' chique ri familia ri achique xtiqui-ben leer. C'o c'a modo ye'a-cusaj ri tanaj ri ye-ilitej pa ru-q'uisibel ri c'utic o ch'aka chuka'.
11. Ru-c'amón chi ni-c'ayix ri Vuj r-ichin ri Mormon. Tok á-jiquiban chic chiquivech ri familia chi can kitzij vi ri vuj, y tok na-tz'et chi utz nu-na' c-ámina chirij, ta-bij juba' quere': "K-ach'alal Xicay, ri Ajaf nu-rayij chi rix ni-tz'et ri Vuj r-ichin ri Mormon y xaxe jun quetzal ri r-ajil ri lok'olej vuj re'. ¡La c'o c'a modo nika-ya' can iv-iq'uin!
12. Tok ri Lok'olej Uxlabixel nu-bij pan av-ámina chi e na'el chic rije' que'a-pixabaj ri familia richin que-kasex chux'e' ya'. T-oka' chanc' u'x chi xaxe quere xque-oc pa r-ajavaren ri Dios. Vi e a-k'ejelan vo'o', vaki' bey pu man jani que'a-pixabaj richin que-kasex chux'e' ya', ta-canjo sakil nojibal r-ichin ri Lok'olej Uxlabixel. Quere' xtav-etamaj achique mas utz chi xta-ben. Tok av-etaman chi ri familia nic-ajo' ye-oc chupan ri Iglesia y niqui-takej ru-pixa' ri Ajaf, ta-jiquiba' jun k'ijul utz richin ni-ban ri kasan chux'e' ya'. Ni-c'atzin chi na-ya' el tiempo r-ichin ri familia niqui-c'ul qui-entrevistas y niqui-etamaj qui-vech ri c'uey bey r-ichin ri Iglesia. Vi c'o modo ta-ya' chique ri nimalej chajinela' o ch'aka chic aj k'ataj richin rije' niqui-ben ri kasan chux'e' ya' y ri jiquibanic.
13. Tok qui-c'ulun chic ri pixabanic r-ichin kasan chux'e' ya', ta-camuluj ri achique qui-sujun can rije' tok ye'a-k'ejela' chic. Ta-takej ru-nojixic chi can kitzij vi xquebe-kasex chux'e' ya'.
14. Vi ri tzij "c'utic" man utz ta n-ac'axex, ta-cusaj jun chic tzij ri mas jebel n-ac'axex. (tzijonic, siq'uinic, y ch'aka)
15. Ta-bana' cuenta chuveh ri tzij na-cusaj. Ri pixabanic chire ri tijonel e tz'ibán can pa Cakchiquel. E c'o tzij ri man can ta yalan ye-cusex chiquicojol ri venek. (c'ulubanic, jiquibanic, na'el, y ch'aka) Que'a-canjo ri tzij ri mas jebel n-ac'axex chupan ri tinamit acuchi at c'ovi.
16. C-onojel re c'utic re', e banatajinek qu-ichin ri vinaki' aj Cakchiquel. Que'a-cusaj c'a qu-iq'uin. Stape' utz ru-caxlan ch'abel ri vinek, re c'utic re' mas jebel, roma ri ru-c'ojlen y ri rubaniquil, can qu-ichin vi rije'.
17. R-iq'uin juba' xtav-il chupan ri k'asaxic qu-ichin ri c'utic chire pa Cakchiquel ri achique ri man can ta utz xta-na' chirij. Ta-tz'ibaj c'a c-onojel ri a-na'oij y ri na-bij rat chi mas utz y ta-taka' el chire ri Vixal r-ichin ri Misión. Utz xti-na'ox ri a to'hic.
18. Ri c'utic ye-ilitej pa jun ru-chojmilal ri mas xta-tzekelbej. Man r-iq'uin ta vi ri', ru-c'amón chuka' chi ye-cusex ri c'utic junan r-iq'uin ri sakil nojibal ri na-c'ul. Tok man na-tijoj ta nabey ri ru-banobal ri José Smit richin na-tiquiriba' ri c'utic.
19. Ni-jach ri c'utic chiquicojol ri ca'i' tijonela' richin che ca'i' ye-tzijon qu-ichin.

20. Ni-rayix chi ri ca'i' tijonela' niqui-jiquiba' chiquevech ri familia. Ta-bana' junan r-iq'uin ri nu-bij ri Lok'olej Uxlabixel pan av-ámina. Man ta-ya' nima'k a-jiquibal, pu ta-bij juba' chique achique roma av-etaman chi can kitziж vi ri tijonic. (Alma 4:19, 5:44-46)
21. Ta-cusaj ri vachibel ri c'o chupan ri c'utic qu-ichin ri aj caxlan ch'abel c'a jampe na ye-banatej vachibel qu-ichin ri aj Cakchiquel. Vi c'o ch'aka chic utz tak vachibel, que'a-cusaj chuka'. Ta-nic'oj ri acuchi mas utz na-c'ut ri vachibel chiquevech ri familia.
22. Tok ri familia niqui-siq'uj ru-vech ri lok'olej tak vuj, que'a-to' richin niqui'uek ri moc'aj pa qui-vuj rije'. (Xtic-ajo' xtiqui-il ri moc'aj ri' jun chic k'ij chuka' y queri' c'o c'a modo xtiqui-ben.)
23. T-oka' chac'u'x chi ri tata'aj, ja rijal ri ru-vixal ri r-achoch. Ta-c'utuj chire rijal ri c'atzinel tak preguntas. Ri ch'aka chic e aj pa jay, c'o modo chuka' niqui-bij ri qui-na'oj.
24. Man ta-yalojisaj ri c'utic mas chirij ri 45 minutos. Vi man ni-q'uis ta ri c'utic, tav-ila' na ri acuchi na-jech vi. C'a ri' tok ye'-a-k'ejela' chic jun bey, ta-chapa' chic jun bey qui-tijoxic. Ta-bana' richin chijujun tijonic, utz ni-k'ax pa qui-vi'. Manjun r-ejkalen ri c'utic vi chanin na-tijoj chique pu man ni-k'ax ta pa qui-vi'.
25. Ru-c'amon chec-onojel tijonela' ti-c'oje' jun qui-c'utbal tzij r-ichin chijujun tijonic. Ta-nic'oj ri niqui-ben ri vinek k'ij, k'ij v que'a-hana' utzilej tak c'utbel tzij richin chi jebel nic-ac'axaj ri ch'abel. Man c'o ta chic jun ch'abel mas jebel chuwech ri ch'abel a-c'amón pe chique. Tav-etamaj utz ri achique xta-bij chique ri vinek y achique xta-c'ut chiquevech richin queri' xtiqui-nabej chi can r-ichin vi ri Ajaf. Ri qui-espíritus re vinek re' qu-etaman chic re ch'abel re' y rije' xtiqui-a'uen, vi at ch'uch'uj y ye'av-ajo' janila, y vi jebel na-c'ut ri lok'olej rutzijol chiquevech. (Isa 29:4, 2 Nefi 30:5-6)

( )  
( )  
( )  
( )  
( )  
( )  
( )  
( )  
)